

dentatis truncatis. Achaenia ovali-compressa, glabra, erostria; papus uniserialis, longe plumosus. Herbula perennis.

Peruvia: in planicie circa Tacoram, altitudine 14—17,000 pedum. (v.s.)

*Oreophila Meyeniana* Walp. acaulis, glabra, foliis stellatim-imbricatis lanceolatis runcinatis, lobis obovatis obtusissimis integerrimis vel tridenticulatis basi late vaginantibus attenuatis, capitulo intra folia sessili cylindraceo multo longioribus.

Rhizoma fusiforme, digitis fere crassitie. Folia bipollicaria, 4—5 lineas lata, infra medium longe attenuata, integerrima vel hinc inde dentata, supra medium grosse runcinata. Capitulum sessile, semipollicare; involucri squamae lanceolato-lineares, acuminatae. Flores homogami, ligulati, apice acute quinquedentati truncati. Caetera ut in praecedente.

Peruvia: in planicie circa Tacoram, altitudine 14—17,000 pedum. (v.s.)

### ACHYROPHORUS Scop.

*Achyrophorus tenuifolius* DeC. Prodr. VII. 94. 12.

, Neacanus DeC. l. c.

Acaulis, foliis omnibus radicalibus linearibus acutis integerrimis aut hinc inde pinnatifido-dilatatis inciso-dentatis glaberrimis, scapo radicali, medio foliolo squamoso aucto, striato monocephalo apice lanato-tomentoso, involucri squamis ovatis acuminatis, superioribus ovato-lanceolatis, omnibus margine scariosis hirsuto-ciliatis, corollis involucro non multo longioribus.

Scapus quinquepollicaris. Folia 3—4½ pollices longa, 2—4 lineas lata. Capitulum 10 lineas longum.

Chile: Cordillera de S. Fernando. (v.s.)